

مجرد تخيل

ليونان بالعاميه المصريه

جمال حراجي

أديك عجزت

ليه ما قلت ليش
انك مش ح تسلم عليا
و ح تعاملني بقسوه
لأول مره في حياتك
ايه يعني لما غيبت عنك
عشرين سنه
ما هي الأيام بتجري
حتى شوف
أديني واحد تاني

(٧)

ما بفرقش كثير عنك
الفرق بس العكاز
و أربعين سنه خبره
في الحياه
طبعاً أنت دلوقتي
فرحان فيا
بتقولي في شرك
احسن..
أديك عجزت

(٨)

لو كنت قعدت معايا
تحت العكاز
و كملت لك
حكاية " جزيرة الذهب "
و ملك القصر الاعمى
لكنك فقري
سبت الحكايه ف النص
و هربت
و اديك راجع

(٩)

مش هحكيلك حاجه
و مش ح تنام
في حضني لحد الصبح
خليك كده
عيط على قد ما تقدر
مش ح أرجع
ومش ح أسلم عليك

دموعها... بلّت كل الميادين

(١٠)

زوزو اللي كان
اسمها في السيمة
سندريلا
كانت ملامحها
بتشبه ملامح وش حبيبتك
اللي أخذت الاولي
في مسابقة احسن ضحكة
من عشرين سنة ويمكن اكر

(١٣)

ليه النهارده
بتعيط في الجرنال
ودموعها نزلت
بلّت كل الميادين
اللي وقفت فيها اكر
من مره تحي الجماهير
وتمضي علي الاوتوجرافات
زي ما تكون ماتت بجدا!
الناس اللي شافوها

(١٤)

علي الشاشه واتمنىها
"فرسة" احلامهم
بيتسابقوا النهارده
للمشاركه في شيل النعش
معقول البنت زوزو
هي نفس الجثه اللي
انا شيلها دلوقت
وبعد ساعات هتكون
مجرد نعي في الجرنال

(١٥)

طب ليه سافرت لبلاد التلج
وسابت توقيعتها وحيد
علي ورقه ملونه
محتفظ بيها في اوراقك
الخاصه لحد دلوقتي
ومستنيها يوم ترجع
فتكمل الجمله الناقصه
في الاوتوجراف
اهي خليت بيك

(١٦)

وفضّلت تموت بدون
اسباب واضحة
وتسييلك صوقها
في "رباعيات جاهين"
وخفة دمها في
خلي بالك من زوزو
واصعب مشهد في "الكرنك"
واحلامها في "الاختيار"
واجمل ضحكة في الزمن الرايق

(١٧)

ما بقاش منها
غير شوية اخبار مثيره
عن سبب الوفاه
وبيع فستانها وباقي عده
مكياجها والعرييه
ومنديله الدانتيل
ودموعها اللي بللت كل الميادين

صك حمايه

(١٨)

الورقه المكتوب عليها

بخط كوفي و مزيله

بمليون توقيع

و اختتام من كل العالم

بتؤكد أن الأمير

من نسل " الأمرا "

و المنسوبين لملوك الصحرا

و الشُركا في فتح بلاد الله

بالسيف المغمود في جرابه

(٢١)

المذكورين بالجمله..
في كتب الباري ومواثيق الكتبه
والمشهورين للخلق الان
بالأمرا
وان الامير ابن الامرا
ماشي علي نهج اجداده
وان الطلقة المطاطه
اللي انغرزت في محاشمه
كانت غلطه

(٢٢)

لان مالوش اعداء
ولا يعرف في فنون الحرب
والحرس الواقفين علي بابيه
خصيان مستوردتهم من بره
لحمايته من النسوان البلدي
اللي يتطلب غصب وصاله
وهو مالوش غير في الغلمان
ويموت في الفتة الضاني
ويحبس بالويسكي الامريكي

(٢٣)

جائز يدعو في الامم المتحده
لسماع شهادته في الحرب
الدائره بسبب الطلقة
اياها

طب هي قول ايه
لما الحقق يسأله
بلكنه اجنبيه علي ودانه
وهو مالوش في اللكنات
كان فين وقت الحادثة

(٢٤)

وليه ما حاولش يتفادي
الطلقه المطاط
هي قول كان في سابع نومه
ولا كان يشرب ويسكي
في البرانده الخلفيه من قصره
مع غلمانه
ولا يعيط بحرقه
فيصعب عليه ويمنحه
صك الحمايه الميري

(٢٥)

وبعدها ينام مرتاح تحت البرواز

اللي مازال بيؤكد

ان الامير من نسل الامرا

بطعم القهوه الساده

(٢٦)

الشاشه ضلمه بفعل فاعل

و السرف البير

و الشاطر يغزل بأي حاجه تقابله

حتى لو كان حجر أصم ما لو ش..

أي أيدين ولا رجلين

و يمكن ينفخ فيه المولاً

و يبقى شرارة نار

و محمد الدرہ مولود في ليله

ما فرقتشي كثير عن الشاشه

(٢٩)

مش ذنبه انه ما ترفش
ف سابع يوم .. و ما نمش ف الغربال
ولا دقوا الهون على دماغه
ولا سمعوه كلام خالته
ف برجالاته و بحلاقاته
واحد في طفولته بيتسم
ليه للرصاص !! و يحضن رمل السكه
في بقه بعنف
ليه ما ستناش لما خلص

(٣٠)

كل الرصاص و ضحك على أبوه
و أستخبي في عبه
كان ممكن ياخدوه شاهد اثبات
في المحكمه .. و يتعرف ع المجرم
من بين الملاين المرصوصه بقصد
كان ممكن ما يمتش
لو "طوعوه" اللي في سنه
و استخبوا في العروسه
القماش على حيط المبكي

(٣١)

أو فوق قمة هيكل سليمان
كان ممكن .. و ما أمكنش
زيه. زي كل اللي اتولدوا
ف نفس اليوم
أتعلم يغزل من حجر الداويه
المكسور أداه للرفض
و ينط ف أحلام المشايخ و الخوجات
بدون وعي
و يسرق منهم طعم النوم

(٣٢)

طبيعي أنه يضيف للصوره مراره
القهوه الساده
بس ما شافش نفسه و هو .. بيعوم
في بحور الدم و ينبت مليون طياره
ترش حجاره تطفئ نور الشمعدنات
ما شافش نفسه و هو ييحذف
دراعاته لنهاية الخط .. زي سباح ف المانش

لو كان كده

(٣٤)

ح اسمح لكم بالعبور

على جثتي

و ح اديكم تاشيره

دخول روحي

و التفتيش بدون اوامر رسميه

في كل الافكار اللي

بتدور في دماغي دلوقتي

و ح اطلب منكم على استحياء

(تسيبوني اخر حلم حلمته امبارح

(٣٧)

شاشة تلفزيوني

الملعونہ تبطل ترمي جمرات

النار على سريري و انا صاحي

و يختفي العسكري الواقف زي

الديدبان على راسي طول الليل

و اخرج من أوضتي الضلمه

للشارع و ألف العالم كله

من غير ما حد يسألني

عن بطاقتي اللي ف جيب

(٣٨)

العسكر و الحراميه بدون

تميز .. و عن قميص المشنوق ع السلك هناك

لو كان كده

اقدر اسمح لكم

بالعبور على جتتي

أشعني المرّة .. دي

(٣٩)

ايه يعني

عريسك جي يطلبك

من "أمك"

و ما كنتيش في البيت ..

وما هي كل مره

كنتي بتستظريه في البلكونه

و ما كنش بيحي

أشعني المره "دي"

كان عارف انك مش

(٤٢)

ح تڪوئي موجوده او ڪان ڪمڪن
عايز ڪمها لڪ مفاجاه
و ڪتفڪ على تفافيل ليله الدخله
بدون ما ڪون لىكى رأى
ولا تختارى شكل الفستان ولا لون الطرحه
ولا أسماء المعازيم!!
طب دي تبقى جوازه!
أهى أمك رفضت للمره الثانيه
بس المره دي . مش عشان

(٤٣)

خلاف ع المهر
او تجهيز الشقه لكن
عشان انتي اتجوزتي فعلا
و امبارح كانت ليلة دخلتك
حتى بصي كل الناس
اللى تعرفيهم و اللى ما تعرفيهمش
شايلين ديل فستانك الطويل
و بيرموا الورد على الهودج
وبيزفوكي
صورتك - اجهل كده

(٤٤)

بدون مساحيق.. ولا زواق
مفیش غیر اللون الأحمر علی دیل
فستانک و الی ییرسم
طریق جدید " للأفراح "
الی ح تیجی بعد کده
کل البنات بیتمنوا
دلوقتی فرح یشبه فرحک
و عریس یتباهو بیه قدام اصحابهم
زی عریسک
مش قتلک

كان مين فيهم !!

(٤٥)

ما فضلش من الزعيم

غير ايدده

اللي كان بيشاور

بيها للرعيه

من فوق خالص

شفتته

كان مرعب و مخيف

يومها

قفلت التلفزيون

(٤٩)

و خرجت بسرعه للشارع

مذعور و خايف

أحسن حد يشوفني

و يعرف إني انا

اللي قفلت التليفزيون

على ايد الزعيم

و هو بيلوح للجماهير

كانت ايد واحده .. لاء

كانت ايدين كتير

(٥٠)

كلها بتلوح للرعيه

بس انا مش فاكر

كانت ايد مين فيهم

شكل الأيام الجايه

(٥١)

ازاي قدرت تطوى كل الليل
ده تحت جناحك
وقدرت تُمرق "بجسمك النحيل"
وسط الزحام
ولا حد قدر يمنعك
و ازاي وصلت لنهايه الحكايه
بدون اصابات واضحه
ممكن دلوقت تقعد ع القهوة
لوحدهك .. و توزع خالص تحياتك
على كل اللي تعرفهم و اللي ما تعرفهمش

(٥٤)

ما تخفش !!

ما فيش حد ح ياخذ باله
من الدموع اللي ح تجري على خدك
و أنت بتراجع ملامحها
في فنجان القهوة الساده
ما تخفش !!

ما حدش ح يعايرك بدموعك
ولا بهزيمتك ولا ح يساومك
على آخر حبه سكر في القلب

(٥٥)

متعابنن ليها مخصوص
هي دلوقت ح تطلع لك في الفنجان
و تقولك .. أنا لسه معاك
زعلان ليه .. و ح تصدقها
مع انك عارف شكل الأيام الجايه

اول مره روحه تزورها

(٥٦)

الى روح الرائع / يَحْيى الطاهر عبد الله

هو ده يحيى

اللى بيلعب بالعصايه

فى ساحة القرنة"

هو نفسه اللى

شايل أسماء على كتفه

وييلف بيها شوارع القاهرة

يحكى عن جبال الشاي

وحكاوي الامرا

وبلدياته اللى بنى أبراج القاهرة

(٥٩)

وما سكنش فيها

طب إيه

اللى خلاه يتنازل عن عناده

ويسمح لنافورة دم دافيه

تنزف بغزارة من بقعة

وتروى رمال الوادي

اللى كانت ارض جديدة

ولأول مرة روحه تزورها

بعد ما بقى صاحب مكان

(٦٠)

واقف دلوقتي على باب الوادي

بيقابل زوارة

ويعاتب أصحابه

على طول الغيبة

وبضحكته....

يشيل عنهم حرج اللحظة

هو دة يحى الطاهر عبدا لله

اللى طار من النعش

وسكن قلوب القاهرة

وقاسم المعز فى التأسيس

(٦١)

وحارب بسيف أهلها
وتنازل بارادته عن دهبه
وحفظت حواريتها ضحكته الصافية
وطريقة في الخناق مع طوب الأرض
هو نفسه اللي يلعب دلوقتي
"العصاية" في ساحة القرنة

يحبوا فيك ايه

(٦٢)

واديك قاعد لوحذك
بتعد النياشين" الفالصوا
في البدل الميرى
لا دخلت حرب بمجد
ولا نلت الشهادة
وبتموت في اليوم مليون مرة
مجرد مهرج في سيرك كبير
بهلوان
يتطير زى الفراشات

(٦٥)

بحفة _ على حبال وداد
الناس اللي بيحبوك
وما فكرتش ولا مرة
هما يحبوا.... فيك.. ايه!!
نیشانك الفالصو
ولا سترتك الميرى
المطرزة بكل ألوان الطيف
ولا يمكن عشان فاكرينك فارس بمجد
في أيديك سيف من العصور الوسطي

(٦٦)

بتهوش بية الأطفال
اللي نفسهم يقلدوك في كل حاجة
أو بتهش بية العصافير
من على شجرة الميلاد
والغرابة أن الفرحة بتكبر
في عينيك لما واحد منهم يناديك
ويعنحك باكو الشيكولاتة
الوحيد اللي فاضله

(٦٧)

مجرد مهرج بيضحك
على نفسه
يتنقل من سيرك لسيرك
ومن حفله لحفلة
يقابل ويفارق !!
يختار لنفسه الوحدة "
في معزل عن خلق الله
ويقعد طول الليل
يعد في نياشين فالصو
ويتذكر حروب ما دخلهاش.."

حاجه غريبه فعلا

(٦٨)

عودت نفسك على حاجات غريبة
كل يوم الصبح تلزق بوزك فى المراية وتعيط
لما تحس بان دموعك فعلا
نزلت بغزارة
تحدف جسمك بعنف
على السرير
وتسيب ضلك يتلاشى
حته .. حته
لما تدخل عليك الشمس بحرارتها

(٧١)

من أضيق حثة في الشباك الموارب

مش هو دة الشباك

اللى كان بيحذف عليك

أحلى نسمات العصارى

وأنت قاعد تتفرج

على صورهما تحت "الكومدينو"

ولا هي دي دموعك

اللى كنت بتفرح بيها

لما تحس بمشيتها

(٧٢)

تحت الشباك المفتوح

على آخرة

حاجة غريبة... فعلا "

هي اللى خليتك ما اقدر تش

تفرق بين دموع الفرح زمان

ودموع الفراق دلوقت

عشرين سنه عدت

(٧٣)

مش غريبة

إن بعد العمر دة كله

واقف مذهول....وبتعيط

قدام الصورة

اللى اخدها لك واحد

صاحبك من عشرين سنه

وقررت يومها

انك لازم تعلقها

في وش الصالة

(٧٦)

عشان تفكر بالأيام الجميلة
كل ما تفتح باب البيت
وأنت راجع آخر الليل مهزوم
بتجر في رجلك
ومسنود على عكاز خشب
ويدوب بتقدر تميز ملامحك القديمة
وتقارنها بوشك دلوقت
بالتأكيد فيه فرق
بس نفس اللمعة اللي بتضوى

(٧٧)

في عينيك ما انطفتش
لسة قادر على مسك
خيطة الكلام بعنف
وتشاغب أصحابك على القهوة
زى زمان
وما تفرطش في رأيك بسهولة
وتعلن غضبك عن كل اللي كان
وبيحصل لحد دلوقت
كل شيء زى ما هو

(٧٨)

أنت بس اللي أتغيرت

حتى بص لنفسك

في اللحظة دي

حتلاقيك

راجل عجوز

بيعط قدام الصورة

لازم اقول

(٧٩)

أنا الوحيد

اللى كنت شاهد على الواقعة ديه

وما حدش طلب منى اشهد بالحق

إيه يعنى

لما سواق الأتوبيس ركن شويه

عند كشك الشاي اللى على الناصية

وعمل دماغ فى الغرزة اللى جنبه

إيه اللى ممكن يحصل

الركاب اتاخرو شويه

(٨٠)

عن أعمالهم
عادى .. ماهو كل يوم بيتأخرو
في انتظار نفس الاتوبيس أو فى فرن العيش
أو فى خناقه على المصروف
لكن المش عادى ... بعد كدة
إن سواق الاتوبيس نفسه
هو اللى غضب
لما شاف الواد اللى وراة فى المراية
بيوشوش البنت اللى جنبه

(٨١)

السواق اعتبرة فعل فاضح
وقرر انه ينفذ فيهم
حكم الله بالرجم
كل الركاب جاملوة بما فيهم أنا
انا الوحيد ... اللى كنت عارف
أن الواد اللى رجه السواق
والركاب وانا
ما كنش يعرف البنت من اصله
وكان بينة وبينها

(٨٢)

خمسين صف من الحبيبه

طب الشمعني الواد دة

والبت دي بالذات

ما اعرفش بس لازم أقول

لازم تاخذ موقف

(٨٣)

أية اللي ممكن يحصل
لو سلمت نفسك
لعسكري الدورية!!
وضيعة عليه فرصه
القبض عليك الليلة
دعة ممكن يغير شيء
من شكل المحضر.. طبعا لا
وح يسلموك أكيد لحبل المشنقة
وكل ده عشان هتفت

(٨٤)

في مظاهرة ما كنش فيها غيرك
وقلت رأيك بصراحة
طب وإيه يعنى !!
ما كل اللي حواليك دول
حاملين نفس التهمه
مفيش قدامك دلوقت
غير انك تقوم تسلم نفسك

(٨٥)

و يحطو في أيديك الحديد
أو يرموك على باب القسم ! صدقه لكلااب الدورية
لازم تاخذ موقف حالا
وأهي فرصة تراجع كل مواقفك
ح تسلم
طب ها تسلم إيه.. ولا إيه!!
سيبهم يقبضوا عليك !! أحسن

مجرد تخيل

(٨٦)

زى ما أتخيلت نفسك قدام الكاميرا
وبيسالوك عن مشروعك فى الأيام الجاية

ح تقولهم

إن بقتلك كام شهر

وتدخل الأربعين برجليك

وأنت لسه بتحلم بقصيدة جديدة

وبأرض جديدة

غير اللى أنت واقف عليها

دلوقتى

(٨٧)

فيها أصحاب بجد

تقسم معاهم كل الأيام

الحلوة والمرّة

وح نقولهم

انك متجوز

ودى قسيمة زواجك فى ٢٢-٧

ممکن تحلم

(۸۸)

کل ما یحاول یرسم
خطین للمستقبل
تیجی ریح برانیة تضيعهم
ما کانش ییزهق خالص
یرسم تانی وتالت
لحد ما قلمه الرصاص انتهى عمره
نسی خطین المستقبل
وبقی یحلم بقلم رصاص
حدید ما حدش رسم بیه

(٨٩)

قبل كده

كل الأقلام اللى أتوفرت له

في الوقت ده

كانت في أيدينا ناس تانيين

نصايين وتجار وفنانين

كان لازم يرفض شكله الأخير

وهو بيعدى العتبة الرابعة

من أيامه

كان لازم يعرف انه

(٩٠)

ما فيش قلم رصاص حتى لو كان

عبقري

يقدر دلوقتى يرسم

"مستقبل" مجهول

ما حدش يقدر يرسمه بجد

لكن ممكن يحلم بيه

ما تجيش تانى

(٩١)

ما تجيش تانى

مش كل مرة

تيجى فيها تاخدى

روحي وتسبيني جتة

هامدة

لا اقدر أن ارفع أيد ولا رجل

بس المرة دية

قررت أن أقولك

ما تجيش تانى

كفاية انك بتطرديني

(٩٢)

من الحياة وتسبيني ميت
ومش غريب أنى
اعترف لك بالعجز قدام عينيك
ومش غريبة أنك تسلميني
كل ليلة لحيطه سد
أسافر لكل البلاد
الغريبة وار جعلك
واقعد انتظرك في نفس المكان
عشان أقولك ما تجيش تأنى

(٩٣)

وما تنتظرنيش
أنى اخذك بالأحضان
أو حتى أقولك بلهفة
اتاخرتى ليه !!
أو أية اللي اخذك منى
امبارح
مش ح أقولك
وحشتينى يا بنت الايه
ومش ح أنغزل فى
عيشتك البريئة

(٩٤)

إلا من دمي
ومش ها قول أنى
ح أشوفك
ح أقولك
ما تجيش تانى

ما کانش قاصد

(۹۵)

ما کانش قاصد بجبها بجنون

ولا کان قاصد

یدخلها بدون استئذان

زی ما قالت له بعد کده

هي کمان ما کانتش قاصده

تديله روحها الشفافة

وتتسحب بشویش

لحد ما توصل لدمه

طب ها يعمل إيه؟؟

(٩٦)

وهو المهزوم على طول الخط
ضيق أجمل سنوات عمرة
في انتظارها
لكن ما جاتش
وكل يوم يبحاول بيستخسر
روحها ويتصورها
حسب ما تشكلها الذاكرة
اللي بتشبه محطة قطر
بتحمل وتفرغ

(٩٧)

و تسيب على البدن
علامات من حزن الغياب والحضور
بس المرة دي جات فعلا
ساتب كل المنتظرين على الرصيف
واترمت في حضنه
طب ها يعمل إيه
وهو اللي كل يوم ييموت
مليون مرة
كان لازم يتمسك بالحياة

(٩٨)

يمكن يعيش يوم زيادة

يسمع صوتها

ويقولها... ما كانش قاصدي

احبك .. بجد .